

龜谷 和漢脩身訓 十

修
 第五號
 共拾冊
 年 月 日 備付



号

共
 拾

K110,1
 190
 10

和漢脩身訓卷十

龜谷行省軒著

第一章 臣道

○公家之利。知無不為。忠也。左傳


○臨患不忘國。忠也。同上

○忠者。臣之高行也。管子

○先王之教。莫榮於孝。莫顯於忠。呂氏春秋

○奉君忘身。徇國忘家。中論

○司馬溫公曰。凡人臣者。上以事君。中以利國。



口葉齊身川 卷十 龜谷行省軒著

下以養民。五倫書

○程明道曰。為官只是淡無嗜好。靜不多事。便是生民無限之福。同上

○宋胡安國曰。臣之事君。猶子之事父。以忠信為本。同上

○宋岳飛曰。荷國厚恩。當以忠義報國。同上

○元耶律楚材曰。興一利。不如除一害。生一事。不如減一事。同上

○一介之士。得遇知己。感恩思報。尚且捐軀。而

況君臣大義乎。故事君致身。臣道之當然也。習編

○愛親者保其身。愛君者輕其位。省心雜言

○先去私心。而後可以治公事。先平己見。而後可以聽人言。願體集

○宋羅豫章曰。立朝之位。當愛君如愛父。愛國如愛家。愛民如愛子。銘心紀要

○輸賦應役。勉力從事。義所當然。即不能先入。必不可後時。非特安分守誼。亦所以遠罪也。張揚

集園

○案法平允。務存寬恕。官念

○君臣共信。何事不成。君臣無信。萬事悉敗。聖德

太子憲法

第二章 父子之道

○漢劉向曰。父母正。則子孫孝慈。說苑

○丘吾子曰。樹欲靜。而風不停。子欲養。而親不

待。往而不來者。年也。不可再見者。親也。孔子家語

○意林曰。大孝養志。其次養形。養志者。盡其和。

養形者。不失其敬。物理論

○北齊顏之推曰。父母威嚴而有慈。則子女畏

慎而生孝。顏氏家訓

○唐韓昌黎曰。愛其子。擇師而教。韓文

○朱晦菴曰。父母愛子之心。未嘗少置。人子愛

父母之心。亦當跬步不忘。初學知要

○宋張南軒曰。為人父者。當脩身以率其子弟。

身脩則將有不言而成。不令而從者矣。五倫書

○父子之間。不可溺於小慈。自少律之以威繩。

之以禮。則長無不肖之悔。同上

○明高忠憲曰。子弟能知稼穡之艱難。詩書之

滋味。名節之隄防。則可謂賢子弟矣。張揚園集

第三章 師友之道

○非我而當者。吾師也。是我而當者。吾友也。諂

諛我者。吾賊也。子姑

○朋而不心。面朋也。友而不心。面友也。楊子法言

○隋王通曰。以勢交者。勢傾則絕。以利交者。利

窮則散。故君子不與也。文中子

○又曰。君子先擇而後交。故寡尤。小人先交。而

後擇。故多怨。同上

○宋李愿中曰。某聞之。天下有三本焉。父生之。

師教之。君治之。闕其一。則本不立。五倫書

○小人之交。外親而內疎。始合而終離。君子之

交。內外始終一也。易知編引 心鑑錄

○山鹿素行曰。師者以嚴重。師道不重。所學不

固。聖教要錄

第四章 為學

○劍雖利。不厲不斷。材雖美。不學不高。說苑

○人皆知以食愈飢。莫知以學愈愚。同上

○雖有良玉。不刻鏤。則不成器。雖有美質。不學。則不成君子。韓詩外傳

○善學者。假人之長。以補其短。呂氏春秋

○漢馮異曰。明鏡所以照形。往事所以知今。後漢書

○弗學何以行。弗行何以得。中論

○宋周茂叔曰。天地之間。至尊者道。至貴者德。

而已矣。通書

○宋司馬光曰。夫道如山也。愈升而愈高。如路

也。愈行而愈遠。學者亦盡其力而止耳。古學彙纂

○朱晦菴曰。學者要親細務。莫令心麓。朱子語錄

○尾藤二洲曰。窺其似者。自以為足。識其真者

恒見其不足。素餐錄

○又曰。知其不足也。故自責。安其小成也。故自

喜。同上

第五章 慎言

○孔雀愛羽。虎豹愛爪。君子愛口。說苑

○文中子曰。禍莫大於多言。文中子

○程伊川曰。心定者。其言重以舒。不定者。其言

輕以疾。五子近思錄

○以反求諸己為要法。以言人不善為至戒。胡子

言知

○行謹則能堅其志。言謹則能崇其德。同上

○讒言巧。佞言甘。忠言直。信言寡。省心雜言

○諾輕者信必寡。面譽者背必非。同上

○少言沈默。尤妙。讀書錄

○小人不可與盡言。同上

○輕言戲謔。最害事。蓋言不妄發。則言出而人

信之。苟輕言戲謔。後雖有誠實之言。人亦弗之

信矣。同上

○氣浮則多言。志輕則多言。氣浮者耀于外。志

輕者放其中。王陽明語錄

○慎言之地。惟家庭為要。應慎言之人。惟妻子

僕隸為要。此理亂之原。而禍福之本也。呻吟語

○多門之室生風。多口之人生禍。上同

○凡一事而關人終身。總實見實聞。不可著口。

凡一語而傷我長厚。雖間談酒諢。慎勿出口。願體

集

○尋樂編云。默之一字。意味深長。受用不盡。可

以養心。可以修身。可以齊家。可以涉世。多識編

○又云。言笑寡則莊重。言笑多則輕褻。人之敬

慢。我實招之。上同

○又云。凡好談人短處。及加人臭名。此等心術

險毒。不惟事業無成。抑且禍患隨之。上同

○好議論人長短者。責人則明。責己則昏也。若

能反躬。則自己檢點不暇。何暇言人長短耶。洗心

要輯

○言人之善。忘其百非。此待人之法也。終身行

善。一言敗之。此持己之戒也。上同

○面諛之辭。知之者。未必感情。背後之議。啣之

者。常至刻骨。紳瑜

○輕諾者必寡信。與其不信。不如不諾。上同

○寡言擇交。可以無悔咎。可以免憂辱。上同

○福壽全書曰。言語之慎。正在當快意時。遇快

意人。說快意事。初學知要

○輕諾寡信。多言亦寡信。大言無實。詖言尤無

實。易知編引

○尾藤二洲曰。言語常要簡明。不可躁妄。軒靜文寄

集

第六章 治家

○朱晦菴曰。讀書。起家之本。循禮。保家之本。勤

儉。治家之本。和順。齊家之本。易知編

○安詳恭敬。是教小兒第一法。公正嚴明。是做

家長第一法。易知編引

○奴僕得罪於我者。可恕。得罪於人者。不可恕。

易知編引

○家衆須嚴飭。勿容挾勢侮人。有狡悍難制者。

宜即追去。易知編引

○凡待奴婢。不可不寬。亦不可過寬。須要寬嚴

得中。易知編引

○乖僻自是。悔誤必多。頽惰自甘。家道難成。治家

言格

○家門和順。雖饑殍不繼。亦有餘歡。國課早完。即囊橐無餘。自得至樂。同上

○待下固當。和而無節。反生其侮。惟和而莊。則人自愛而畏。願體集

○養子弟。如養芝蘭。既積學以培之。更須積善以潤之。言行彙纂

○居官有二語。曰唯公則生明。廉則生威。居家

有二語。曰唯公則情平。唯儉則用足。瑜紳

○治家規範。曰祭祀祖先。或時祭。或忌日。量力設備。不可疏略。得一錄

第七章 檢身

○歲不寒。無以知松柏。事不難。無以知君子。荀子

○志毋虛邪。行必正直。游居有常。必就有德。管子

○君子不鏡於水。而鏡於人。墨子

○貴視其所舉。富視其所與。貧視其所不取。窮視其所不為。說苑

○君子修道立德。不為窮困而改節。同上

○君子之學也。入於耳。藏於心。行之以身。同上

○存亡禍福。其要在身。同上

○福生於微。禍生於忽。同上

○知莫大於闕疑。行莫大於無悔。同上

○言必誠信。行必忠正。孔子家語

○損人自益。身之不祥。同上

○君子攻其惡。無攻人之惡。同上

○見人之一善。而忘其百非。同上

○智而用私。不若愚而用公。呂氏春秋

○人而好善。福雖未至。禍其遠矣。人而不好善。

禍雖未至。福其遠矣。論中

○智者慎言。慎行。以為身福。愚者易言。易行。以

為身菑。賈誼新書

○漢昭烈曰。勿以惡小而為之。勿以善小而不

為。蜀志

○程明道曰。人於外物。事事要好。只有一個心

不要好。洗心輯要

○司馬溫公曰。受人恩而不忍負者。其為子必孝。為臣必忠。初學知要

○宋賈子明曰。古人重厚朴實。乃能立功立事。享悠久之福。宋稗類抄

○宋呂東萊曰。急於自治。何暇務外。厚於反躬。何暇議人。初學知要

○宋趙清獻曰。凡不可與父兄師友道者。不可為也。凡不可與父兄師友為者。不可道也。畜德錄

○元烏古孫良楨為右丞兼大司農。良楨訓諸

子曰。吾無過人者。惟待人以誠。人亦以誠遇我。

汝宜志之。元史烏古孫良楨傳

○明薛文清曰。誠不能動人。當責諸己。讀書錄

○心口如一。為忠信。心口不一。非忠信也。同上

○凡事皆當謹始慮終。同上

○一語一默。一坐一行。事無大小。皆不可苟處

之。必盡其方。同上

○事最不可輕忽。雖至微至小者。皆當以慎重

處之。同上

○深以刻薄為戒。每事當從忠厚。上同

○自敬則人敬之。自慢則人慢之。上同

○和而敬。敬而和。處眾之道。上同

○大丈夫心事。當如青天白日。使人得而見之。

可也。上同

○心誠色溫。氣和辭婉。必能動人。上同

○惟正足以服人。上同

○為善之心。當念念不忘。不可有須臾之間也。

上同

○已未善。人譽之。不足喜。已有善。人毀之。不足

怒。上同

○不潔在面。人皆恥之。不潔在心。人不知愧。以

面露外。而心伏內。故善飾其情。以務外也。洗心輯要

○常提醒此心。如日之升。羣邪自息。上同

○白日所為。夜來省己。是惡當驚。是善當喜。續小

兒語

○為善則善應。為惡則惡報。成名滅身。惟自取

之。省心雜言

○寶貨用之有盡。忠孝享之無窮。同上

○廣積不如教子。避禍不如省非。同上

○夙興夜寐。無非忠孝者。人不知。天必知之。飽

食煖衣。恬然自衛者。身雖安。其如子孫何。同上

○少不勤苦。老必艱辛。少能服勞。老必安逸。同上

○心可逸。形不可不勞。道可樂。心不可不憂。同上

箋

○真心好善者。須自尋己過。便有進步。願體集

○禮義廉恥。可以律己。不可以繩人。律己則寡

過。繩人則寡合。同上

○人生一日。或聞一善言。見一善行。行一善事。

此日方不虛生。安得長者言

○富貴家宜勸他寬。聰明人宜勸他厚。同上

○富以能施為德。貧以無求為德。貴以下人為

德。賤以忘勢為德。呻吟語

○心術以光明篤實為第一。容貌以正大老成

為第一。言語以簡重真切為第一。同上

○敬以事親。則親安。敬以事長。則長安。敬以御

下。則左右婢妾之人安。無所不敬。則無所不安。

張揚園集

○擇善人而交。擇善書而讀。擇善言而聽。擇善行而從。是初學切要工夫。同上

○工夫愈切實。則心愈虛。心虛而後能從善。同上

○使人懼。不若使人愛。使人愛。不若使人敬。拙翁

庸語

○貧賤時。眼中不著富貴。他日得志。必不驕。富貴時。意中不忘貧賤。一旦退休。必不怨。紳

○無愧於事。不如無愧於身。無愧於身。不如無愧於心。無口過易。無身過難。無身過易。無心過難。同上

○天地無私。為善自然獲福。聖賢有教。修身可

以齊家。聯

○善欲人見。不是真善。惡恐人知。便是大惡。治家

格言

○明陳白沙曰。纔覺退。便是進。纔覺病。便是藥。

畜德錄

○樂周人者。自奉必薄。奢於身者。惠不及其親。
錄 畜德

○意林曰。聞一善言。見一善事。行之唯恐不及。
聞一惡言。見一惡事。遠之唯恐不速。
論 物理

○意林曰。人皆知滌其器。莫知洗其心。
上 同

○與人期。不失信。雖游觀小事。風雨踐約。
百 心 相

○貝原益軒曰。平心和氣。是養身養德工夫。
慎 思

○又曰。躬為不善。而求為人所容者。可恥之甚也。
大丈夫可容人。不可為人所容。
上 同

○佐藤一齋曰。真有大志者。克勤小物。真有遠慮者。不忽細事。
言 志 錄

○當今之毀譽。不足懼。後世之毀譽。可懼。一身之得失。不足慮。子孫之得喪。可慮。
上 同

第八章 處世

○晉衛玠曰。人有不及。可以情恕。非意相干。可以理遣。
晉 書

○程伊川曰。遇艱阻。則必自省其身。無一毫怨

尤之心。洗心輯要

○何以處羣。曰不爭。何以止謗。曰無辯。文中子

○虛己接物。和易謙恭。為處世良法。易知編引 邵康節語

○宋趙清獻曰。盛喜中。勿許人物。盛怒中。勿答

人簡。初學知要

○明李士舉曰。人以奸邪詭詐之心待我。我以

正大光明之心待人。聽松堂語鏡

○明張魯叟曰。無義之人。不得已而與之居。外

和吾色。內平吾心。庶幾不及于禍。同上

○又曰。結十人之恩。不如釋一人之怨。同上

○人於患難。只有一箇處置。盡人謀之後。卻須

泰然安之。洗心輯要

○屈己者能處衆。好勝者必遇敵。省心雜言

○內睦者家道昌。外睦者人事濟。同上

○君子有偶。為小人所困抑。若自反無愧怍。於

我何損。又安知其不為進德之助歟。西疇常言

○待小人。嚴而和。所謂不惡而嚴也。讀書錄

○毋以小嫌疎至戚。毋以新怨忘舊親。願體上集

○處難處之事。愈宜寬。處難處之人。愈宜厚。處

至急之事。愈宜緩。處至大之事。愈宜平。處難疑

之際。愈宜無意。同上

○凡人遇逆境。只宜安靜。不宜躁動。如舟遇逆

風。必欲開船。鮮有不失事者。同上

○事事順吾意而言者。小人也。急宜遠之。同上

○隱惡揚善。待他人且然。自己子弟。稍稍失歡。

便逢人告訴。又加增飾。使子弟遂成不肖之名。

於心忍乎。同上

○人之黑白。止宜存於心。不宜出諸口。同上

○建功立業者。多和平之士。債事失機者。必執

拗之人。同上

○赴酌勿太遲。眾賓皆至。而獨候我。則厭者不

獨主人。却則宜早辭。勿令人虛費。同上

○遇詭詐人。變幻百端。不可測度。吾一以至誠

待之。彼術自窮。同上

○為人謀事。必如為己謀事。而後慮之也。審為

己謀事。又必如為人謀事。而後見之也。明。同上。

○處兄弟骨肉之變。宜從容。不宜激烈。遇朋友

交遊之失。宜剴切。不宜優悠。同上。

○遇小事。不可以其小而忽之。則小事不至於

變大。當大事。不可以其大而恐之。則大事亦可

化小。同上。

○不交不知之人。自無不可知之禍。能積實可

據之德。必有實可據之福。同上。

○古人絕交。不出惡聲。棄妻不彰其過於所惡

者。尚不失厚道如此。其於所親者可知。同上。

○與邪佞人交。如雪入墨池。雖融為水。其色愈

汙。與端方人處。如炭入薰爐。雖化為灰。其香不

滅。樵談。

○諫人之短。語雖切直。而能溫顏下氣。縱不見

聽。亦未必怒。世範。

○對失意人。莫談得意事。處得意時。常想失意

事。神瑜。

○清石天基曰。古云。待小人宜寬。防小人宜嚴。

蓋不寬則積怨不嚴則被害同上

○遊顯貴之門諂固可恥傲亦非宜總不如蕭

然自適同上

○凡應人接物胸中要有分曉外面須存渾厚

言金

○見人為不義事須勸止之知而不勸勸而不

力令友過遂成亦我之咎也同上

○憬然錄曰莫因事變之來便倉皇失措先定

己之心心定自有區處教諭

○處貧賤之日不可輕於累人累人則失義處

富貴之日則當以及人為念不然則害仁訓子語

○舉人之過只須說到三分當留其退悔之路

揚人之善亦只須說到七分當留其精進之路

言艾

○隣里與他人不同理宜和睦隣里善者義當

親之隣里橫者義當讓之必不可輕生嫌隙也

習是編

○待富貴人不難有禮而難有體待貧賤人不

難有恩而難有禮。同上

○學問在乎知非。境遇在乎知足。魏伯子偶書

○我所不能者。不敢以責人。人所必不能者。不

敢以強人。日錄裏言

○聰明人最有好議論。不如老成閱歷之人議

論更精。同上

○盡心為入謀。排難解紛。不遺餘力。心相百二十善

○水火盜賊。兵刑凶荒。徭役及一切人世艱難

之事。無不可以老我之才。增我之智。勿謂無關

學問也。履園叢語

○處難處之事。可以長識。調難調之人。可以鍊

性。學在其中矣。恥言

○勿與庸俗人及簡傲人爭禮節。勿與威氣人

及執拗人爭是非。易知編引。身世準繩

○恭謹忍讓。是居鄉之良法。清正儉約。是居官

之良法。庸言

○尾藤二洲曰。同居之人。一朝相別。一則東一

則西。異日互為千里外人。所謂君子上達。小人

下達者爾。素餐錄

○佐藤一齋曰。勿賣恩。賣恩却惹怨。勿干譽。干

譽。輒招毀。言志晚錄

○我當視人之長處。勿視人之短處。視短處。則我勝彼。於我無益。視長處。則彼勝我。於我有益。

上同

○舊恩人不可疏遠。新知人不可過狎。上同

○我施恩於人可忘。我受惠於人不可忘。上同

○得意事多。失意事少。其人減知慮。可謂不幸。

矣。得意事少。失意事多。其人長知慮。可謂幸矣。

上同

第九章警戒

○妻子具。而孝衰於親。嗜欲得。而信衰於友。爵祿盈。而忠衰於君。荀子

○愛人利人者。天必福之。惡人賊人者。天必禍

之。墨子

○其施厚者。其報美。其怨大者。其禍深。淮南子

○事者難成。易敗。名者難立。易廢。上同

○祿過其功者則削。名過其實者損。韓詩外傳

○慎於言者不譁。慎於行者不伐。同上

○君子見人之困。則矜之。小人見人之困。則幸

之。同上

○官怠於有成。病加於小愈。禍生於懈惰。孝衰

於妻子。察此四者。慎終如始。同上

○自賢者。天下之善言。不得聞於耳。孔子家語

○匿人之善。斯謂蔽賢。揚人之惡。斯為小人。同上

○奢侈者。財之所以不足也。專獨者。事之所以

不成也。同上

○一出而不可反者。言也。一見而不可揜者。行

也。賈誼新書

○前事之不忘。後事之師也。同上

○患生於所忽。禍發細微。後漢書

○德有餘而為不足者。謙。財有餘而為不足者

鄙。省心雜言

○好勝者必爭。貪榮者必辱。同上

○私心勝者。可以滅公。為己重者。不知利物。同上

○以言傷人者。利如刀斧。以術害人者。毒如虎狼。言不可不慎。術不可不擇也。上同

○有過知悔者。不失為君子。知過遂非者。其小人歟。上同

○用過其才。則敗事。事過其分。則喪身。上同

○惡人害賢。猶仰天吐唾。唾不至天。還墮自身。

尊生笈

○讀書不學聖賢。為鉛槧傭。居官不愛子民。為衣冠盜。講學不尚躬行。為口頭禪。富貴不思種

德為眼前花。上同

○鄙莫如營私。妄莫如自大。愚莫如欺人。賤莫

如無恥。易知編引
心鑑錄

○行一善而欲人頌揚。施人惠而欲人感激。滿腔都是私欲。何以為君子。易知編引
南廬格言

○聞人善則疑之。聞人惡則信之。此滿腔殺機也。安得長
者言

○殃咎之來。未有不始於快心者。故君子得意而憂。逢喜而懼。呻吟語

○見利向前見害退後同功專美於己同過委罪於人此小人恒態而丈夫之耻行也上同

○人有負才能而見於辭貌者其小也可知矣

錄讀書

○戒太察太察則無含弘之氣象上同

○好勝人之大病上同

○迷於利欲者如醉酒之人不堪其醜而已

不覺也上同

○不論人之賢否但見勢利即傾慕豈非失其

本心乎上同

○至誠以感人猶有不服者況設詐以行之乎

上同

○應事差錯由心不專一上同

○君子熟於精微之義小人熟于機詐之巧上同

○人有才而露只是淺深則不露上同

○貧莫貧於無才賤莫賤於無志張黃岳家訓

○明賈石葵曰積善而望報於天者無福施恩而求報於人者無德錄蓄德

○耳能聰目能明吾身之至寶若用之以求人過失而不用之以內照是以我之至寶徒為人用豈不可惜願體集

○山生金反自鑿木生蟲反自食人生事反自賊天下悔吝憂患皆自致之也同上

○親友中有顯貴者對人頻言必招鄙誚同上

○人利之事我勿為衆爭之地我勿往物極則反害將及矣同上

○作善豈非好事然一有好名之心即招禍之

道也同上

○好衣肥馬意氣揚揚醉生夢死誰家兒郎續小

語兒

○恃才者最是人之大病不惟敗事必不能保

身洗心輯要

○吾不知所謂善但令人感者即善也吾不知所謂惡但令人恨者即惡也瑜紳

○好便宜者不可與共財多狐疑者不可與共

事同上

○浮議雖不足恤。亦可以恐懼修省。同上

○人驕則志昏。志昏則計短。同上

○毋以己之長。而形人之短。毋以己之拙。而忌

人之能。同上

○德者才之主。才者德之奴。有才無德。即如家

無主。而奴用事。鮮不猖狂敗壞矣。同上

○附書信。不可開拆沈滯。心相百善

○和睦勤儉者。家必隆。乖戾驕奢者。家必敗。此

理如操券。斷斷不爽。且驗之甚速。金言

○勿貪意外之財。勿飲過量之酒。治家格言

○施惠勿念受恩。莫忘。同上

○人有喜慶。不可生妬忌心。人有禍患。不可生

喜幸心。同上

○明宋潛溪曰。積丘山之善。尚未得為君子。貪

絲毫之利。便已陷於小人。人生必讀書

○清唐翼修曰。利可共而不可獨。利專於己。怨

必集焉。及禍到而悔之。斯無及矣。同上

○古詩云。少年輕歲月。不解早謀身。晚歲無成

就低頭避故人。同上

○明陳眉公曰。喜時之言多失信。怒時之言多

失體。聽松堂語鏡

○貧不足憂。生不勤而貧。是可憂也。賤不足辱。

行不修而賤。是可辱也。同上

○尾藤二洲曰。勿遺實而徇虛名。勿挾勢以誇

富榮。靜寄軒文集

和漢脩身訓卷十終

稟准

東京炎風社

明治十四年之冬以
後製本以此紙為証

明治十五年三月廿八日板推免許
同 九月九日出版
同 十一月二十日再板御届
重複アリ再板
二付改之

著者出板人

東京府士族

光風社長

龜谷行

東京神田區金澤町十一番地

大坂

柳原喜兵衛

同

梅原龜七

同

岡島真七

東京馬喰町


石川治兵衛

發兌人

定價十錢

修

修
第 五 號
共 拾 冊
年 月 日 備符



龜谷
行著
和漢脩身訓

十一

共拾本

K110,1

170

11